



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 45. Hoc diploma a pluribus reprehensum.

[urn:nbn:de:hbz:466:1-66608](https://nbn-resolving.org/urn:nbn:de:hbz:466:1-66608)

Sæcul. XVI. id postulent, & fateantur Ecclesiam non errare, dum calicem negat laicis; & dummodo separatim communicent alio tempore, & loco, quam vulgo sub una specie communicatur. III. Vobis etiam facimus potestatem Beneficia Ecclesiastica Academiis, & Scholis, & locis hospitalibus uniendi, & bonorum Ecclesiasticorum occupatores possessorum solam restitutionem absolvendi, de fructibus perceptis, & mobilibus consumptis cum possessoribus transigendi, facta demum potestate facultates has viris aliis per Germaniam illustribus delegandi, & communicandi.

§. XLV.

Hoc diploma a pluribus reprehensum.

Scriptores, qui hoc diploma referunt, memorant, quod plures illud sinistre fuerint interpretati, ac præprimis insinularunt vanitatis, atque arrogantiae, eo quod Papa velit Reges, & Principes honori famæ, ac dignitati restituere: insuper repugnantiam quoque continere putabant, absolvere resipiscentes a juramentis illicitis; si enim, inquiebant illi, ea sunt illicita, absolute haud opus habent, nec minus etiam illud cum semetipso pugnare credunt, quod concederetur calicis usus duntaxat his, qui hunc usum laicis denegant.

negandi jus Ecclesiæ competere cre- Sæcul XVI.
dunt (*). Plures adhuc alii articuli A.C 1548
hujus diplomatis impugnati fuere.

Interea ambo Sedis Apostolicæ Nun-
tiii Lippomanus, & Pighinus, exeunte
Mense Septembri ad Cæsarem profecti,
post decimam septimam nomina-
tionis suæ diem Bononiam pervene-
runt, prout literæ eis traditæ testan-
tur. Hos jam præcesserat Fanensis E-
piscopus, qui Cæsaris postulata exequi,
haud adeo expeditum censebat; quippe
Galliarum Rex Synodum interrumpi no-
luit, prout Bononienses Patres fieri sua-
serant; credebat enim Gallus, quod Ca-
rolus Imperator hanc Synodum, quam-
diu subsisteret, spectare cogeretur ve-
lut nubem quamdam, ex qua sibi pro-
cellam formidaret: quinimo Henricus
II. Franciæ Rex jam Regni sui Episco-
pos,

S s 2

(*) Hasce pluresque ejusmodi cavillationes
solus maledicus Paulus Sarpus adinvenit, au-
dacter tamen Continuator noster affirmat, quod
Scriptores alii hoc diploma exagitarint, minus ve-
ro Continuatori indulgendum videretur, quod
hæc commenta suæ Historiæ inferere non eru-
buerit, cum tamen ea a Pallavicino validis
omnino argumentis confutata ignorare haud po-
tuerit. Vide citatum Pallavicinum in Historia
Concilii Tridentini tom. 2. lib. 11. cap. 2. n. 8.
& seq.

Sæcul. XVI
A C 1548.

pos, ut de emendanda disciplina deliberarent, Romam decernere promiserat, atque apud Pontificis Nuntium questus erat, quod Synodus in Cæsaris gratiam otuari permetteretur. Ast Regi Nuntius reposuit: Synodus potius otietur in gratiam pacis & communis concordiae, quæ in ipsius etiam Regis commodum redundabit: cum vero Rex hoc responso necdum plene contentus videretur, Papa novis angebatur curis; hujus enim Principis favorem sibi certum reddere, Pontificis plurimum iutererat.

Porro summus Pontifex, ut Parmam in tanto rerum tumultu sibi sartam fervaret, illiusque beneficiarium jus ab Octavio Farnesio Nepote suo in Horatium Farnesium Castrensem Ducem transferret, cum Guisio Cardinale jam eo rem perduxerat, ut ipse postulatam pecuniam Lugduni deponeret, aboleretque abusus jurisdictioni Ecclesiasticæ adversos in Provincia, in minori Britannia, in Delphinatu, in Sabaudia, & Pedemontana ditioe.

Id autem nolebat re ipsa præstare, nisi prius Galliarum Rex petitam pecuniæ summam Romæ deposuisset, ac fœdus cum Helvetiis adeo firmiter iniisset, ut haud ultra ipsi periculum a Cæsaris exercitu impendere posset.

§. XLVI.